

才調集

才調集十卷

四部叢刊初編集部

才調集叙

蜀監察御史

韋

集

余少博群言常所得志雖秋螢之照不遠而雕蟲之見自佳古人云自聽之謂聰內視之謂明也又安可受諗於愚鹵取譏於書厨者哉暇日因閱李杜集元白詩其間天海混茫風流挺特遂採摭奧妙并諸賢達章句不可備錄各有編次或開窓展卷或月榭行吟韻高而桂冕爭光詞麗而春色闢美但貴自樂所好豈敢垂諸後昆今纂諸家歌詩摠一千首每一百首成卷分之爲十目曰才調集庶幾來者不誚多言他代有人無嗤薄鑒云爾

才調集目錄

卷第一

白居易十九首

薛能七首

崔國輔六首

孟浩然二首

劉長卿六首

韋應物一首

王維二首

賈島七首

李廓十六首

常建一首

劉禹錫五首

宋濟二首

王建十三首

李端一首

耿緯二首

李華一首

錢翊七首

李遠二首

卷第二

溫飛卿六十一首

顧況十一首

吳融二首

崔塗六首

盧綸七首

無名氏十三首

卷第三

韋莊六十三首

李山甫八首

李洞五首

薛逢一首

裴庭裕一首

李昂一首

沈佺期

王泠然一首

何扶一首

江遵一首

高適一首

孟郊一首

陸龜蒙五首

張籍七首

曹鄴三首

卷第四

杜牧之三十三首

張泌十八首

戴叔倫四首

宋邕一首

曹唐二十四首

施肩吾二首

趙光遠三首

孫啓四首

崔珣七首

司空曙三首

項斯一首

卷第五

元稹五十七首

鄭谷十一首

秦韜王八首

紀唐夫一首

雍陶一首

劉禹錫十二首

白居易八首

武元衡二首

卷第六

李白二十八首

李商隱四十首

李涉十五首

唐彥謙十七首

卷第七

李宣古一首

王渙十三首

岑參四首

賈曾一首

許渾二十首

油蔚一首

張祐六首

來鵬二首

施肩吾四首

劉得仁一首

高駢四首

李端一首

趙嘏十一首

朱絳一首

姚倫一首

劉方平二首

陳羽一首

薛能三首

李郢一首

薛逢一首

崔塗一首

項斯一首

李宣遠一首

陶翰二首

溫憲三首

王駕一首

于鵠三首

徐寅

卷第八

羅隱十七首

李頎一首

崔顥一首

于武陵九首

李涉一首

戎昱四首

韓琮六首

李德裕一首

高蟾一首

高適一首

朱慶餘一首

崔桐一首 備七卷中

曹松二首

錢起一首

羅鄴九首

章謁一首

李益一首

王昌齡三首

李嘉佑四首

鄭準一首

祖詠一首

吉師老四首

盧弼七首

竇鞏

韓偓五首

杜荀鶴八首

張喬

崔魯一首

卷第九

劉商一首

長孫佐輔二首

朱倣二首

王表二首

張安石二首

張諤一首

于濬三首

胡曾九首

李群玉二首

顧飛熊一首

袁不約二首

吳商浩八首

梁鎰一首

賀知章一首

張蠊四首

劉象七首

戴司顏二首

沈彬一首

李賀一首

嚴維一首

韓翃一首

熊皎一首

張喬三首

陳陶一首

張謂一首

鄭常一首

崔峒一首

李洞一首

李端一首

江為一首

裴度一首

陳上美一首

姚合七首

楊牢一首

王昌齡二首

王鵠一首

陳羽一首

貫休三首

僧尚顏二首

僧護國一首

僧懷白二首

僧無可二首

僧清江一首

僧法照一首

僧太易二首

僧惟審一首

僧滄浩一首

僧皎然二首

僧無本二首

卷第十

張夫人二首

劉媛一首

李冶九首

劉雲二首

鮑君微一首

崔仲容二首

張文姬二首

女道士元淳二首

蔣蘊二首

崔公遠一首

魚玄機九首

張竊窈二首

張琰二首

趙氏二首

程長文三首

梁瓊三首

廉氏二首

薛濤三首

姚月華二首

裴羽仙二首

劉瑤三首

常浩二首

葛鳴兒二首

薛媛一首

昉一首

崔鶯鶯一首

無名氏三十七首

才調集目錄終

才調集卷第一

古律雜歌詩一百首

白居易一十九首

代書一百韻寄微之

憶在貞元歲俱昇典校司身名同日授心事一言知肺腑都無隔形骸兩不羈踈狂屬年少閑散爲官卑分定金蘭契言通藥石規交賢方汲汲友直每怱怱有月多同賞無杯不共持秋風拂琴匣夜雪卷書帷高上慈恩塔幽尋皇子陂唐昌玉蕊會崇敬壯丹期笑勸迂辛酒閑吟短李詩儒風愛敦質佛理賞玄師度日曾無悶通宵靡不爲雙聲聯律句八面數宮棊往往遊三省騰騰出九達寒消直城路春滿曲江池樹暖枝條弱山晴彩翠奇峯攢石綠點柳惹麴塵絲岸草煙鋪地園花雪壓枝早光紅照耀新溜碧逶迤帷幕分堤布盤筵占地施徵伶求絕藝迎妓選名姬鉛粉凝春艷金鈿耀水嬉風流誇墮髻時勢關愁眉密坐隨歡促華鐔逐勝移香飄歌被動醉落舞釵遺籌揜紅螺碗觥飛白玉卮打嫌調笑易飲訝卷波遲殘席諠譁散歸鞍駘

酩酊醺醺顏烏帽側醉袖玉鞭垂紫陌傳鐘鼓紅塵塞路歧幾時曾暫別何處不相隨往弄星霜換迴還節候推兩衙多請告三考遂成資運啓千年聖天成萬物宜皆當少壯日同惜盛明時光景嗟虛擲雲霄竊暗窺攻文朝吃吃講學夜孜孜策目穿如扎毫鋒銳若錐繁張獲鳥網堅守釣魚坻並受變龍薦齊登晁董詞萬言經濟略三道太平基取第爭無敵車場戰不疲輔車排勝陣犄角奪降旗雙闕分容衛千寮儼等羣恩隨紫泥降名向白麻披既在高科選還從好爵縻東垣君諫諍西邑我驅馳再喜登烏府多慙侍赤墀官班分內外遊處遂參差每列鴛鴦序偏瞻獬豸姿簡威霜凜冽衣綵繡姜蕤正色摧強禦剛腸嫉嫉嗔常憎持祿位不擬保妻兒養勇期除惡輸忠在滅私下韓驚驚雀當道噓狐狸南國人無枉東臺吏不欺雪冤多定國犯諫甚辛毗造次行於是平生志在斯道將心共直言與行相危水暗波翻覆山藏路嶮巖未爲明主識已被幸臣疑木秀遭風折蘭芳遇露萎千鈞勢易壓一柱力難撐騰口方成瘡吹毛遂

得疵憂來吟貝錦謫去詠江蘿邂逅塵中遇殷
勤馬上辭賈生離魏闕王粲向荆夷水渡清源
寺山經綺里祠心搖漢臯珮淚墮岷山碑驛路
綠雲際城樓枕水湄思鄉多繞澤望國獨登陴
林晚青蕭索江平綠渺瀰野秋鳴蟋蟀妙冷聚
鷓鴣官舍黃茅屋人家苦竹籬白醪充夜酌紅
粟備晨炊寡鶴摧風翻鰓魚失水髻暗離啼鵲
旦涼葉墜相思一點秋燈滅三聲曉角吹藍衫
經雨故駝馬卧霜羸念涸誰濡沫嫌醒自吸醅
耳垂懷伯樂舌在感張儀負氣衝星劍傾心向
日葵金言自銷鑠玉性肯磷緇伸屈須看蠖窮
通莫問龜定知身是患應用道爲醫想子今如
彼嗟余獨在茲無怙當歲杪有夢到天涯坐阻
連襟帶行車接履綦潤消衣上霧香散室中芝
念遠傷遷貶驚時歎別離素書三往復明月七
盈虧舊里非難到餘歡不易追樹依興善老草
傍靖安衰前事思如昨中懷寫向誰北村尋古
相南宅訪辛夷此日徒搔首何人共解頤病多
知夜永年長覺秋悲不飲長如醉加飧永似飢
狂書一千字因使寄微之

東南行一百韻

南去經三楚東來過五湖山頭看候館水面問
征途地遠窮江界天低接海隅飄零同落葉浩
蕩似乘桴漸覺鄉原異深知土俗殊夷音語嘲
啗蠻態笑睢盱肝水市通關閭煙村混舳艫吏徵
魚戶稅人納火田租亥日饒蝦蟹寅年足虎驅
成人男作卅事鬼女爲巫樓暗攢倡婦堤長簇
販夫夜船論鋪賃春酒斷瓶沽見果皆蘆橘聞
禽悉鷓鴣山歌猿獨叫野哭鳥相呼嶺微雲成
棧江郊水當郭月移翹柱鶴風泛颭牆烏鼉礙
潮無信蛟驚浪不虞鼉鳴江櫓鼓蜃氣海浮圖
樹裂山魃穴沙含水弩樞喘牛犁紫芋羸馬放
青菰繡面誰家婢鵝頭幾歲奴泥中採菱茨燒
後拾樵蘇鼎臙愁烹鼈盤腥厭鱸鍾鍾儀徒戀
楚張翰浪思吳氣序涼還熱光陰且復晡身方
逐萍梗年欲近桑榆渭北田園廢江西歲月徂
憶歸恒慘澹懷舊忽踟躕自念咸秦客常爲鄢
魯儒蘊藏經國術輕棄度關繻賦力凌鸚鵡詞
鋒敵轆轤戰文重掉鞅射策一彎弧崔杜鞭齊
下元韋轡並驅名聲敵揚馬交分過蕭朱世務

經磨搗周行竊覲風雲皆會合雨露各沾濡
 共偶昇平代偏慙固陋軀承明連夜直建禮拂
 晨趨美服頌王府珍羞降御厨議高通白虎諫
 切伏青蒲栢殿行陪宴花樓走者酺神旗張鳥
 獸天籟動笙竽丸劒星芒耀魚龍電策驅定場
 排越妓促座進吳歆縹緲疑仙樂嬋娟勝畫圖
 歌鬟低翠羽舞汗墜紅珠別選開遊伴潛招小
 飲徒一盃愁已破三盃氣彌轟軟美仇家酒幽
 閑葛氏妹十千方得斟二八正當壚論笑杓胡
 碑談憐輦囁嚅李酣尤短實度醉更焉迂鞍馬
 呼交住散盤喝遣輸急驅波卷白連擲彩成盧
 籌併頻逃席觥嚴別置孟漏卮那可灌顏王不
 勝扶入視中樞草歸乘內廐駒醉曾衝宰相驕
 不揖金吾日近恩雖重雲高勢易孤翻身落露
 漠失脚倒溼塗博望移門籍潯陽佐郡符時情
 變寒暑世利筭錙銖望日辭雙闕明朝別九衢
 播遷分郡國次第出京都秦嶺馳三驛商山上
 二邗峴陽亭寂寞夏口路崎嶇大道全生棘中
 丁盡執殳江關未撤警淮寇尚稽誅林到東西
 寺山分大小姑鑪峯蓮剎削湓水帶縈紆九派

吞青草孤城覆綠蕪黃昏鍾寂寂清曉角鳴鳴
 春色辭門柳秋聲到井梧殘芳怨鷓鴣暮節感
 茱萸藥折金英菊花飄雪片蘆波紅日斜沒沙
 白月平鋪幾見林抽笋頻驚燕引雛歲華何倏
 忽年少不須更眇默思千古蒼茫想八區孔窮
 緣底事頽天有何辜龍聖猶遭醢龜靈未免剗
 窮通應已定聖哲不能踰況我謀身拙逢他厄
 運拘漂流從大海鎚鍛任洪鑪險阻嘗之矣棲
 遲命也夫沉冥消意氣窮餓耗肌膚防瘡和殘
 藥迎寒補舊襦書床鳴蟋蟀琴匣網蜘蛛貧活
 如懸磬端憂極守株時遭客吝難數被鬼擲撇
 兀兀都疑夢昏昏半似愚女驚朝不起妻怪夜
 長吁萬里離朋執三年隔友于自然悲聚散不
 是恨榮枯去夏微之瘡今春席八徂天涯書達
 否泉下哭知無謾寫詩盈軸空盛酒滿壺只添
 新悵望豈復舊歡娛壯志因愁減衰容與病俱
 相逢應不識滿領白髭鬚

四不如酒

莫買金剪刀徒費千金直我有心中愁知君剪
 不得莫磨解結錐徒勞費心力我有腸中結知

君挑不得莫添紅素絲徒誇好顏色我有雙淚珠知君穿不得莫近紅爐火炎氣徒相逼我有鬢邊霜知君銷不得刀不能剪心愁雖不能解腸結絲不能穿淚珠火不能銷鬢雪不如且飲長命盃萬恨千愁一時歇

江南喜逢蕭九徹因話長安舊遊戲贈

五十韻

憶昔嬉遊伴多陪歡宴場寓居同永樂幽會共平康師子尋前曲聲兒出內坊花深態奴宅竹錯得憐堂庭晚開紅藥門閑蔭綠楊經過悉同巷居處盡連牆時世高梳髻風流潛作粧戴花紅石竹帔暈紫攢柳鬢動懸蟬翼釵垂小鳳行拂眉輕粉絮暖手小香囊選勝移銀燭邀歡舉玉觴爐煙凝麝氣酒色注鵝黃急管停還奏繁絃慢更張雪飛迴舞袖塵起繞歌梁舊曲翻調笑新聲打義揚多情推阿軟巧語許秋娘風暖春將暮星迴夜未央宴餘添粉黛坐久換衣裳結伴歸深院分頭入洞房綵帷開翡翠羅薦拂鴛鴦留宿爭牽袖貪眠各占床綠窓籠水影紅壁背燈光索鏡收花鈿邀人解袷暗嬌粧靨

笑私語口脂香怕曉聽鍾坐羞明映繖藏眉殘蛾翠淺鬟解綠雲長聚散知無定憂歡事不常離筵開夕宴別騎促晨裝去住青門外留連滯水傍車行遙寄語馬駐共相望雲雨分何處山川各異方野行初寂寞店宿乍恹惶別後嫌宵永愁來厭歲芳幾看花結子頻見露爲霜歲月何超忽音容坐渺茫往還書斷絕來去夢遊揚自我辭秦地逢君客楚鄉常嗟異岐路忽喜共舟航話舊堪垂淚思鄉數斷腸愁雲接巫峽淚竹近瀟湘月落江湖闊天高節候涼浦深煙漠漠沙冷月蒼蒼紅葉江楓老青蕪驛路荒野風吹蟋蟀湖水浸菰蔣帝路何由見心期不可忘舊遊千里外往事十年強春晝提壺飲秋林摘橘嘗強歌還自感縱酒不成狂永夜長相憶逢君各共傷殷勤萬里意併寫贈蕭郎

楊柳枝二十韻

小妓攜桃葉新歌踏柳枝粧成剪燭後醉起拂衫時繡履嬌行緩花筵笑上遲身輕委迴雪羅薄透凝脂笙引篴頻暖箏催柱數移樂童翻怨調才子與妍詞便想人如樹先將髮比絲風條

垂兩帶煙葉帖雙眉口動櫻桃破鬟低翡翠垂
枝柔腰裏娜萼嫩手蕤蕤鶴唳晴呼伴猿哀夜
叫兒玉敲音歷歷珠貫字疊疊袖爲收聲點釵
因赴節遺重重遍頭別一一拍心知塞北愁攀
折江南苦別離黃遮金谷岸綠映杏園池春惜
芳華好秋憐翠色衰取來歌裏唱勝向笛中吹
曲罷那能別情多不自持纏頭無別物一首斷
腸詩

初與元九別後忽夢見之及寤而書適

至兼寄桐花詩悵然感懷因以此寄

元時

九初謫
江陵

永壽寺中語新昌坊北分歸來數行淚悲事不
悲君悠悠藍田路自去無消息計君食宿程已
過商山北昨夜雲四散千里同月色曉來夢見
君應是君相憶夢中握君手問君意何如君言
苦相憶無人可寄書覺來未及說叩門聲冬冬
言是商州使送君書一封枕上忽驚起顛倒着
衣裳開緘見手扎一紙十三行上論遷謫心下
說離別腸心腸都未盡不暇叙炎涼云作此書
夜夜宿商州東獨對孤燈坐陽城山館中夜深

作書畢山月向西斜月下何所有一樹紫桐花
桐花半落時復道正相思殷勤書背後兼寄桐
花詩桐花詩八韻思緒一何深以我今朝意想
君前夜心一章三遍讀一句十迴吟珍重八十
字字字化爲金

秦中吟并序

貞元元和之際余在長安聞見之間有足悲者
略舉其事因命爲秦中吟焉

貧家女

天下無正聲悅耳則爲娛人間無正色悅目則
爲姝顏色非相遠貧富則有殊貧爲時所棄富
爲時所趨紅樓富家女金縷繡羅襦見人不飲
手嬌癡二八初母兄未開口言嫁不須更綠窓
貧家女寂寞二十餘荆釵不直錢衣上無真珠
幾迴人欲聘臨日又踟躕主人會良媒置酒滿
玉壺四座且勿飲聽余歌兩途富家女易嫁嫁
早輕其夫貧家女難嫁嫁晚孝於姑聞君欲娶
婦娶婦意何如

無名稅

厚地植桑麻所用濟生民生民理布帛所求活

一身身外充征賦上以奉君親國家有兩稅本
意在憂人厥初防其汪明勅內外臣稅外加一
物皆以枉法論柰何歲月久貪吏得因循役我
以求寵歛索無冬春纖絹未成疋縹緲未盈斤
里胥逼我納不許暫逡巡歲暮天地閉陰風生
破村夜深煙火盡霰雪白紛紛幼者形不敵老
者體無溫悲啼與寒氣併入鼻中辛昨日輸餘
稅因窺官庫門繒帛如山積絲絮似此雲號爲
羨餘物隨日獻至尊奪我身上暖買爾眼前恩
進入瓊林庫歲久化爲塵

傷大宅

誰家起甲第朱門當道邊豐屋中櫛北高牆外
廻環疊疊六七堂簷宇相連延一堂費百萬鬱
鬱起青煙洞房溫且清寒暑不能干高亭虛且
迥坐卧見南山繞廊紫藤架夾砌紅藥欄攀枝
摘櫻桃帶花移牡丹主人此中坐十載爲大官
厨有臭敗肉庫有朽貫錢誰能將我語問余骨
肉間豈無貧賤者忍不救飢寒如何奉一身直
欲保千年不見馬家宅今作奉成園

膠漆契

陋巷飢寒士出門甚栖栖雖然志氣高豈免顏
色低平生同袍友通籍在金閨昔爲膠漆契爾
來雲雨睽正逢下朝歸軒騎五門西是時天久
陰三日雨淒淒蹇驢避路立肥馬當風嘶送頭
望相識占道上沙堤昔年洛陽社貧賤相提携
今日長安道對面隔雲泥近日多如此非君獨
慘悽死生不變者惟聞任與黎

合致仕

七十而致仕禮法有明文何乃貪榮貴斯言如
不聞可憐八九十齒落雙眸昏朝露貪名利夕
陽憂子孫挂冠顧翠纓縣車惜朱輪金章腰不
勝偃僂入君門誰不受富貴誰不戀君恩年高
須請老名遂合退身少時共嗤笑晚歲多因循
賢哉漢二疎彼獨是何人寂寞東門路無人繼
去塵

古碑

勲德旣已衰文章亦陵夷但見南山石刻作路
傍碑勲名悉太公德教皆仲尼復以多爲貴千
言直萬質爲文彼何人想見下筆時但欲愚者
悅不思賢者嗤豈獨賢者嗤仍傳後代疑古石

蒼苔字焉知是愧詞我聞望江縣勸令撫孤嫠
在官有仁政名不聞京師身歿欲歸葬百姓遮
路歧攀轅不得去留葬此江湄至今道其名男
女皆涕垂無人立碑碣唯有邑人知

江南旱

意氣驕滿路鞍馬光照塵借問何爲者人稱是
近臣朱紱皆大夫紫綬悉將軍誇赴中軍會走
馬疾如雲罇壘溢九醞水陸羅八珍果擘洞庭
橘繪切天池鱗食飽心自若酒酣氣益振是歲
江南旱衢州人食人

五弦琴

清歌且停唱紅袂亦停舞趙叟抱五絃宛轉宵
前撫大聲徂一作粗若散颯颯風和雨小聲細欲
絕切切鬼神語又如鵲報喜轉作猿啼苦十指
無定音顛倒宮商羽坐客聞此聲形神若無主
行客聞此聲駐足不能去嗟嗟俗人耳好今不
好古所以比窓琴日日生塵土

傷閔鄉縣囚

秦中歲日暮大雪滿皇州雪中退朝者朱紫盡
公侯貴有風雪興富無飢寒憂所營唯甲第所

務在追遊朱輪車馬客紅燭歌舞樓歡酣促密
坐醉暖脫重裘秋官爲主人廷尉居上頭日中
爲樂飲夜半不能休豈知閔鄉獄中有凍死囚

牡丹

帝城春欲暮喧喧車馬度共道牡丹時相隨買
花去貴賤無常價酬直看花數灼灼百朵紅交
交五束素上張帷幄庇傍織色籬護水灑復泥
封遷來色如故家家皆爲俗人人迷不誤有一
田舍翁偶來買花處低頭獨長歎此歎無人諭
一叢深花色十戶中人賦

拔楔日遊于斗門亭

留守晉公首勸一篇鑑然王振居易

若無酬和爲洛無人

三月草萋萋黃鶯又欲啼柳橋晴有絮沙路潤
無泥楔事脩初畢遊人到欲齊金鈿耀桃李綠
管駭鳥驚轉岸迴船尾臨流簇馬蹄聞於楊子
渡踏破魏王堤妓接謝公宴詩陪江令題舟同
李膺泛醴爲穆生攜水引春心蕩花牽醉眼迷
塵街從鼓動煙樹任鴉棲舞急紅腰凝駐歌遲
翠黛低夜歸何用燭新月鳳樓西

詠半開花贈皇甫郎中

勿訝春來晚無嫌花發遲人憐全盛日我愛半
開時紫蠟粘爲蒂紅蘇點作粧成都新夾纈梁
漢辟燕脂櫻樹真珠顆牆頭小女兒淺深粧剥
落高下火參差蝶戲爭香朶鶯啼選穩枝好教
郎作伴合共酒相隨醉翫無勝此狂嘲更讓誰
猶殘少年興不似老人詩西日憑輕照東風莫
熬吹明朝應爛熳後夜即離披枝下遙相憶鐫
前暗有期銜盃嚼藥思唯我與君知

題令狐家木蘭花

膩如玉指塗朱粉光似金刀剪紫霞從此時時
春夢裏應添一樹女郎花

薛能七首

牡丹

去年零落暮春時淚濕紅牋怨別詩常恐便同
巫峽散因何重有武陵期傳情每向馨香得不
語還應彼此知見欲欄邊安枕席夜深閑共說
相思

蜀黃葵

嬌黃初綻欲題詩盡日含毫有所思記得玉人
春病校道家裝束厭穠時

贈歌妓 妓能詩

同有詩情自合親不須歌調更含嚙朝天御史
非韓壽莫竊香來帶累人

晚春

惡憐風景極交親每恨年年作瘦人卧晚不曾
拋好夜情多唯欲哭殘春陰成杏葉纔通日雨
著楊花已汙塵無限後期知有在只愁還作摠
戎身

贈歌者

一字新聲一顆珠轉喉疑是擊珊瑚聽時坐部
音中有唱後櫻花葉裏無漢浦茂聞虛解珮臨
叩焉用枉當壚誰人得向青樓宿便是仙郎不
是夫

舞者

綠毛釵動小相思一唱南軒日午時慢艷輕裙
行欲近待調諸曲起來遲遲停七筩無非聽物
帶官商盡是詞爲問傾城年幾許更勝瓊樹是
瓊枝

楊柳枝

數首新詞帶恨成柳絲牽我我傷情柔娥幸有

腰肢穩試踏吹聲作唱聲

崔國輔六首

雜詩

逢著平樂兒論交鞍馬前與沽一斗酒恰用十
千錢後余在關內作事多迤邐何處肯相救徒
聞寶劍篇

魏宮詞

朝日點紅粧擬上銅雀臺畫眉猶未了魏帝使
人催

怨詞

妾有羅衣裳秦王在時作爲舞春風多秋來不
堪著

少年行

遺却珊瑚鞭白馬嬌不行章臺折楊柳春日路
傍情

中流曲

歸時日尚早更欲向芳洲渡口水流急迴船不
自由

對酒吟雜言

行行日將夕荒村古塚無人跡蒙籠荆棘一鳥

吟屢勸提壺沽酒喫古人不達酒不足遺恨精
靈傳此曲寄語當代諸少年平生且盡盃中醪

孟浩然二首

春怨

閨人能畫眉粧罷出簾幃照水空自愛折花將
遺誰春情多逸艷春意倍相思愁心極楊柳一
種亂如絲

送杜十四之江南

荆吳相接水爲鄉君去春江正淼茫日暮征帆
泊何處天涯一望斷人腸

劉長卿六首

揚州雨中張十七宅觀妓

夜色滯春煙燈花拂更燃殘粧添石黛艷舞落
金鈿掩笑頻歌扇迎歌乍動絃不知巫峽雨何
事海西邊

赴潤州使院留鮑侍御六言

對水看山別離孤舟日暮行遲江南江北春草
獨向金陵去時

北歸次秋浦界青館

萬古啼猿後孤城落日依鴈迴初日暮人向宛

陵稀舊路青山在餘生白首歸漸知行近北不見鷓鴣飛

登餘干古城

孤城上與白雲齊萬古蕭條楚水西官舍已空秋草綠女牆猶在夜烏啼平江渺渺來人遠落日亭亭向客低沙鳥不知陵谷變朝來暮去弋陽溪

若耶溪酬梁耿別後見寄

六言

晴川落日初低惆悵孤舟解攜鳥去平蕪遠近隨流水東西白雲千里萬里明月前溪後溪獨恨長沙謫去江潭春草萋萋

別宓子怨

垂柳拂金堤薜蘿葉正齊水溢芙蓉沼花飛桃李蹊採桑秦氏女織錦賈家妻關山別宓子風月守空閨恒飲千金笑長垂白玉啼盤龍隨鏡隱舞鳳逐雲低驚魂同野鶴倦寢憶晨雞暗牖懸蛛網空梁落燕泥前年過岱北今歲往遼西一去無還意那能惜馬蹄

韋應物一首

西澗

獨憐幽草澗邊生上有黃鸝遶樹鳴春潮帶雨晚來急野渡無人舟自橫

王維二首

送元二使安西

渭城朝雨裊輕塵客舍青青楊柳春勸君更盡一盃酒西出陽關無故人

隴頭吟

長城少年遊俠客夜上戍樓看太白隴頭明月迥臨關隴上行人夜吹笛關西老將不勝愁驅馬聽之雙淚流身經大小百餘戰麾下偏裨萬戶侯蘇武纔爲典屬國節旄空盡海西頭

賈島七首

寄遠

別腸長鬱紆豈能肥肌膚始知相結密不及相結踈踈別恨應少密別恨難祛門前南去水中有北飛魚魚飛向北海此情復何如欲剪衣上襟書作寄遠書不惜寄遠書故人今在無華山岩峩形遙望齊平蕪況此數尺身阻彼萬里途自非日月光難以知子軀

代舊將

舊事說如夢誰當信老夫戰場幾處在部曲一人無落日收病馬晴天曠陣圖猶希聖朝用自鑷白髭鬚

春行

去去行人遠塵隨馬不窮旅情斜日後春色早煙中流水穿空館閑花發故宮舊鄉千里思池上綠楊風

述劍

十年磨一劍兩刃未曾試今日把似君誰有不平事

古意

碌碌復碌碌百年雙轉轂志士中夜心良馬白日足俱爲不等閑誰是知者目別來兩淚盡誰弔荆山哭

上杜駙馬

即杜棕也

玉山突兀壓乾坤出得朱門入戟門妻是九重天子女身爲一品令公孫駕鸞殿裏參皇后龍鳳堂前賀至尊今日澧陽非久駐佇爲霖雨拜新恩

早秋題天台靈應寺

峯前峯後寺新秋絕頂高
見沃洲人在定中聞蟋蟀
鶴曾棲處掛獼猴山鐘夜渡空江水汀月寒生古石樓
心憶挂帆身未道謝公此地昔年遊

李廓一十六首

長安少年行十首

金紫少年郎繞街鞍馬光
身從左中尉官屬右春坊刻戴揚州帽重熏異國香
垂鞭踏青草來去杏園芳

追逐輕薄伴閑遊不着緋
長攏出獵馬數換打毬衣
曉日尋花去春風帶酒歸
青樓無晝夜歌舞歇時稀

日高春睡足怙馬賞年華
倒挿銀魚袋行隨金犢車
還攜新市酒遠醉曲江花
幾度歸侵黑金吾送到家

好勝耽長夜天明燭滿樓
留人看獨脚賭馬換偏頭樂奏曾無歇
盃巡不暫休時時送冷笑怪客有春愁

遨遊攜艷妓裝束似男兒
盃酒逢花住笙歌簇馬吹
鶯聲催曲色春色詠歸遲
不以聞街鼓華